



UKA 2018/40

16. oktober 2018

Bentiaraq Ottosen

Kangerlussuarmi, Narsarsuarmi Kulusummilu innaallagissamut imermullu nunap sinnerani akinut naligiissarneqarnissaat pillugu Naalakkersuisut 1. Januar 2019-miit atuutilertussamik Mittarfeqarfiit aqutugalugu naligiisitseqqullugit peqquneqarnissaannik Inatsisartut aalajangiiffissaattut siunnersuut.

(Inatsisartunut ilaasortaq Aqqaluaq B. Egede, Inuit Ataqtigiit)

Kangerlussuarmi, Narsarsuarmi Kulusummilu innaallagissamut imermullu nunap sinnerani akinut naligiissarneqarnissaat pillugu imatut Atassummiit oqaaseqarfigissavarput:

Siullermik siunnersuuteqartoq Aqqaluaq B. Egede saqqummiussaanut qujanaq.

Nunatsinni ulloq 01. Januar 2018 sumiiffinni Nukissiorfiit ingerlataani innaallagissamut, imermut kiassarermullu akit assigiittussaaneranut atuutsilertumik inuiaqatigiit kiffartuuneqalerput, Akit assigiittussaanerat imminut ajortuungilaq, siunertaasimavorli inuiaqatigiinni assigiimmik akilersinnaanerusumillu ingerlatsilersimaneq. Inoqarfinni amerlanerusuniittuni akit assigiittussanngornerat akilersinnaasutut isikkoqarpoq, inukinnerusunilu akilersinnaanani.

Nukissiuuteqarnermut pilersaarutigineqartoq 2030-imi tassaasaaq inuiaqatigiinni nukissiuuteqarnermut mingutsitinnginnerusumik kinguneqartusaaq, sarfap erngullu nukinga, anorisaatit seqerngullu nukinga atorlugit nukissiuuteqalerneq.

Uani siunnersuutigineqartoq Nukissiorfiit aqutugalugit 01. Januar 2018 innaallagissamut, imermut akit assigiittussanngortinneqarnerat assigalugit Narsarsuarmi, Kangerlussuarmi Kulusummi anguniarneqarpoq. Tamannami aqqissutaanaasoq ilisimavarput, Nukissiorfiit ingerlatsivianiinginnera peqqutaalluni, taamaattumik tamanna aqqiiviginiarlugu Mittarfeqarfiit aqutugalugit innaallagissamik, imermillu nukissiuuteqarneq ukunani Narsarsuaq, Kangerlussuaq Kulusummi akit assigiittussanngornerat Atassummiit isumaqatigaarput.

Taamatut oqaaseqareerluta, una siunnersuut ataatsimiisitaliami susassaartumi qulaajarneqarluarnissaa innersuupparput.